



APNN

12. maj 2015

**Aalisarnermut, Piniarnermut Nunalerinermullu Naalakkersuisoqarfik  
Departementet for Fiskeri Fangst og Landbrug  
Postboks 269  
3900 Nuuk**

## **2015/2016 ukiunerani umimmanniartitsinissamut tuttunniartitsinissa-mullu biologit siunnersuinerat**

Pinngortitaleriffik Aalisarnermut, Piniarnermut Nunalerinermullu Naalakkersuisoqarfimmii 16. april 2015-eersumik saaffiginnissummik tigusaqarpoq, Sagsnr. 2015-11212, Dok. Nr. 1937096, 2015/2016 ukiunerani umimmanniartitsinissamut tuttunniartitsinissamullu biologinit siunner-sorneqarnissamik qinnuteqaataasoq. Saaffiginnissummi tuttut umimmaallu pillugit apeqqutit tallimaasut akineqarnissaat kissaatigineqarpoq.

Kitaani tuttut eqqarsaatigalugit maannamut misissueqquittoqarnikuunngilaq (Takutitassiaq 1), taamaattumillu apeqqutigineqartut akineqarsinnaanngillat. Umimmanut tunngatillugu pissut-sit taamaapajaaginnarput aamma. Kalaallit Nunaanni umimmaat pillugit nutaanik annertuneru-sumik ilisimasaqartoqanngilaq (Takutitassiaq 2), Ivittuut eqqaanniittut eqqaassanngikkaanni, taamaattumillu apeqqutit akineqarsinnaanngillat.

APNN-imit apeqqut 1: Aqutsiveqarfiiit ataasiakkaat eqqarsaatigalugit ukiunut siuliinut saniliullugu 2015/2016-imi innersuussutit allannguiteqarpat? Aqutsiveqarfiiit tamaasa eqqarsati-galugit, Ivittuut kisiisa pinnagit, 2015/2016-imut innersuussutit ukiunut siuliinut sanilliullugit al-languuteqanngillat.


APNN-imit apeqqut 2: Ukiunerani piniartitsisoqarsinnaanera innersuussutigisinhaavisiuk? Taamaattoqarsinnaappat nunap immikkoortuini imaluunniit sumiiffinni sorlerni? Aqutsiveqarfiiit tamaasa eqqarsaatigalugit, Ivittuut kisiisa pinnagit, 2015/2016-imut innersuussutit ukiunut siuli-inut sanilliullugit allannguiteqanngillat.

APNN-imit apeqqut 3: Sumiiffiit ilaanni immikkut ittumik piniartitsisinhaanerit akuersaarsinna-visit? Taamaattoqassappat nunap immikkoortuini sorlerni imaluunniit sumiiffinni sorlerni? Pinngortitaleriffimmii taamaallaat Ivittuuni immikkut ittumik piniartoqarsinnaanera innersuus-tigineqarsinnaavoq. Pinngortitaleriffik nunap immikkoortuini imaluunniit sumiiffinni allani im-mikkut ittumik piniartitsinissamut innersuussuteqarnissamik paassisutissanik naammattunik tunngavissaqanngilaq.


APNN-imit apeqqut 4: Nunap immikkoortuisa sumiiffiilluunniit ilaasa matuneqarnissaat innersu-ussutigisinhaavisiuk? Taamaassappat nunap immikkoortui sumiiffiilluunniit sorliit? Pinngortita-leriffik massakkuugallartoq ammaanissamut matusinissamulluunniit ilisimasanik tunngavigi-neqarsinnaasunik naammattunik pigisaqanngilaq.

APNN-imit apeqqut 5: Nunap immikkoortuisa sumiiffiilluunniit ilaanni pisassanik killiliisoqarsin-naanera innersuussutigisinhaavisiuk? Taamaassappat sumi? Pinngortitaleriffik Kalaallit Nunaata

Kitaani peqassuseq pillugu nutaanik ilisimasaqanngilaq, taamaattumillu siusinnerusumut saniliullugu allannguutissanik siunnersuutissaqarani.



**Takutitassiaq 1.** Kalaallit Nunaata Kitaani Kitaatalu avannaani tuttoqatigiaat taaguutaat piniarfiusinnaasullu normui sumiiffiillu taaguutaat.



**Takutitassiaq 2.** Uumimaqtigiaat qulingiluat 2014-imni piniarfingineqarsinnaasimasut, titarnerik aappaluttunik nalunaaqutserneqarsimapput. Sumiiffit angissusaat ilusiligaanerallu missingiussinermik toqqammaveqarput, tassuunalu uumasut sumiiffimmik atuisarnerat ersersinniarneqarpoq uumasoqatigiaat qanoq amerlatiginerat pineqarani. Soorlu assersuutigalugu Kitaani umimmaqtigiit amerlanerpaartaat Kangerlussuup eqqaani sumiiffmmi annertugisassaangitsumi uumasuupput. Nunami Eqqisisimatitami Tunup Avannaaniittumiittut umimmappassuit nunap assingani nalunaarneqarsimangillat, piniaqquaangilluinnarmata. Nuup eqqaaniittut ikittunnguit qanoq amerlatigineri ilisimaneqannngitsut nighallimik tungujortumik nalunaaqutserneqarsimapput.

#### **2015/2016-imni ukiuunerani Ivittuumi umimmanniarnissaq pillugu biologit siunnersuinerat**

2015-imni aasaanerani ukiarneranilu/2016-imilu ukiuunerani Ivittuut eqqaanni umimmanniartitsinissanut tunngatillugu Pinngortitaleriffiup Aalisarnermut, Piniarnermut Nunalerinermullu (APNN) siunnersuinera.

Arnavissat ataatsimik ukiullit 15-it angutivissallu tallimat 1987-imni Ivittuut eqqaannut nunaliguneqarput. Sumiiffik 430 km<sup>2</sup>-inik annertussuseqarpoq. Sumiiffimmik umimmaat naammattunik nerisassaqarnissaat qularnaarneqassappat, km<sup>2</sup>-imi ataatsimi umimmaat


1-2-nit amerlanerunnginnissaat innersuussutigineqarpoq (Thomas et al. 1981). Sumiiffinni <200 m-inik angissusilinni qanoq amerlatigisarnissaat tikkuarneqarpoq, ukiuunerani ilungersunartorsiorpallaannginnissaat eqqarsaatigineralugu, soorlu assersuutigalugu itisuumik apismatillugu sermernarsimatilluguluunniit.

Ivittuut eqqaaniittut atugaannik naliliiffiginnissinnaanermi tunngaviusut makkuupput: kisitsisoqarpiartangilaq, pisaqarfingineqarpiartangillat, nalinginnaasumik toqusarput allanullu ingerlasarlutik. Ivittuut eqqaaniittut 1987-imiit 2014-imut qanoq ingerlasimanerisa erseqqinnesrusumik allaaserineqarlunilu nalilersuiffigineqarsimanagerat (sumiiffimmi amerliartornerannik il-imagisat) ilanngutaq 1-imi takuneqarsinnaapput (Takutitassiaq 3).

Umimmaat naasoqassuseq eqqarsaatigalugu nammanneqarsinnaasumik amerlassusissaasa qummut killingat 2009-mi anguneqarpoq. Taamanikkut 1038-nik amerlassuseqalersimapput. Misissuinernit inernernit takutinneqarpoq, umimmaat nappanneqarsinnaasumik amerlassusissaasa qummut killinganiit 60%-iata missaaniitinneqassappat amerliartorsinnaassuseqarnerat pitsaanerpaffissaminiissasoq ( $r$ -optimum) taamaalillunilu piujuartitsinermik tunngaveqartumik piniarneqarsinnaajuassallutik.


Umimmaat amerlassutsimikkut 60%-inik killissarititaasup iluani  $\pm 5\text{-}10\%$ -inik nikerarfeqarsinnaatitaanissaat aamma akuersarneqarsinnaassaaq (Takutitassiaq 4).

Ivittuut eqqaanni 60%-imik killissarititaasoq naapertorlugu umimmaat  $600 \pm 100$  missaannik amerlassuseqartariaqaraluarput. Taamatullu amerlassuseqalernevisigut aamma umimmaat  $\text{km}^2$ -imut ataatsimik marlunnilluunniit amerlassuseqartariaqarnerigaluannik innersuussut anguneqassagaluarpoq.



**Takutitassiaq 3.** Amerliartorsinnaassuseqarnerannik,  $r$ -værdi, takussutissiaq suliarineqarpoq qaraasaasiamic naatsorsuut atorlugu, taannalu umimmannik ikinnerpaaffiliilluni utikattumik kisitsisarernit inernernerusartunik tunngaveqarpoq. Uani takutitassiami amerlassuserisinnaasaanik naatsorsuutip missiliuussinera takuneqarsinnaavoq. Takussutissiap titarnerata sivin-ganerpaffiani  $r$ -værdip anginerpaaffissaa takuneqarsinnaavoq, tassa ima paasisassaalluni naasoqassuseq eqqarsaatigalugu umimmaat amerliartorsinnaassusiisa pitsaanerpaaamik inissi-

simaffigalugu.  $r=1$ -inngoraangat qummut amerlanerpaaffissaatut killissarititaasoq anguneqart-  
arpoq.



**Takutitassiaq 4.** Ivittuuni umimmaat suussusii tunngavigalugit (arnavissat inersimasut, piaqqat inersimasunngulersut, tammajuitsussarsiorluni piniagassat allallu (All Others)) kigaatsumik amerliartortitsiartuaarluni piniarfingineqarsinnaanerat utaqqiisaasumik (linear) naliliffigineqarsimavoq. Titarnermi qummoortumi takutinneqarpoq Ivittuuni umimmaat naasoqassuseq eqqarsaatigalu amerlassusissaasa qummut killissarititaasariaqartumiit 60%-junissaannik innersuussummut killiginneqartoq. 'All Others'-it amerlassusiat tassaapput suaaneri utoqqaas-susaalu nalunartut arlaannulluunnit ilanngunneqarsinnaasut.

#### Ivittuut pillugit siunnersuinerup eqikkarnera:

- \* Umimmaqtigiiit amerlassusiat K-miippat naasoqassuseq ulorianartorsiortinneqartorujus-suanngussaaq, tamannalu umimmaqtigiiit amerliartornerannut taamalu piniarnermut kinguerlutsitsisinnaavoq.
- \* Innersuussutigineqarpoq umimmaat amerlassusiat K-p 60%-iata missaanut ikilisinneqassasut, soorlu assersuuitgalugu  $600 \pm 100$ -it missiliorlugit.
- \* Innersuussutigineqarpoq 2015/2016-imí ukiuunerani umimmannik 300-t missaannik piniartitsisoqarsinnaasoq.
- \* Piniartoqassaaq utoqqaassusiat suaassusiilu tunngavigalugit, soorlu arnavissat inersimasut 80-it, angutivissat tammajuitsussarsiassat 80-it, angutivissat inersimasuiungitsut 50-it (ukiut  $>1$  aamma  $<5$ ), inuu sunnerusut 90-it (ukiut  $>1$  aamma  $>3$ ), aamma 0 piaqqat).
- \* Arnavissanik piaqqisartunik ( $<$ ukiut 1) pisaqarnissaq innersuussutigineqanngilaq.

## **Tamalaat**

Akorngusersuinissaq eqqarsaatigalugu, ilaatigut nunakkut qimussernikkut aamma piaqqiorneq-saat sioqqullugu, piaqqinerisalu nalaani kingornatigullumi piniartitsisoqarnissaa innersuussutig-nanngilaq.

Piaqqiorluarneq piaqqanillu toqusoortannginneq umimmaat tuttullu piujuartitsinermik tunngaveqartumik iluaqtigineqarnissaannut tunngaviulluinnarput. Umimmaat tuttullu arnavissat ilummittut piaqqilersullu mianerineqartussaapput inuimmi akorngusersuinerannut misikkarissuum-mata.

Umimmaat piaqqiortarput aprilip naaneraniit majip naanissaata tungaanut. Innersuussutig-neqarpoq illersuinissaq pillugu malittarisassaliarieqartussat piaqqinerisa nalaannut tunngasu-usasut piaqqinerisa siornatigut sapaatit akunneri marluk kingornatigullu sapaatit akunneri 3-4-t ilanngullugit, imaappoq piffissaq illersuiffiussaq katillugit tassaassalluni 8. april - 30. juni. Taamaalilluni aamma aprilimi tuttunniarsinnaatitaasariaqartoqanngilaq taamaalineranimi umimmaat aamma eqqissismatitaasarmata.

Tuttut piaqqisarput majip 14-ianniit junip 15-iannut. Illersuinissaq pillugu malittarisassaliarieqartussat piaqqinerisa nalaannut tunngasuussasut, piaqqinissaat sapaatit akunnerisa marluk sioqqullugu kingornatigullu sapaatit akunneri 3-4-t ilanngullugit, imaappoq piffissaq illersuiffi-usariaqarluartoq tassaalluni majip aallaqqaataaniit julip 15-iannut. Taamaalilluni juni/juli-mi umimmanniartoqartariaqanngikkaluarpoq taamaalineranimi aamma tuttut eqqissismatitaasarmata.

Piffissami piaqqiffiusumi sumiiffiinilu piaqqiffiusartuni eqqissismatitsisarneq pillugu malittari-sassiorneq piujuartitsinermik tunngaveqarluni iluaquteqarnermut iluaqutaassaaq.

Piffissamik eqqissismatitsiveqarneq piaqqiffissaqartitsinerlu tuttunut umimmannullu iluaquta-assapput, puigorneqassangilarmi pissutsit allat aamma uumasut atugarissaarnerannut sunni-uteqarnerlussinnaasarmata.

Inussiarnersumik inuulluaritsi

Christine Cuyler, D.Sc.